

Na osnovu člana 9. Pravilnika o kontinuiranoj profesionalnoj edukaciji lica iz računovodstvene profesije, Upravni odbor Saveza računovođa, revizora i finansijskih radnika Federacije Bosne i Hercegovine objavljuje

JAVNI POZIV

potencijalnim izvođačima kontinuirane profesionalne edukacije u 2009. godini

Svako lice iz računovodstvene profesije dužno je ispuniti kriterij kontinuirane profesionalne edukacije (KPE) u trajanju od najmanje 40 bodova godišnje.

Prema članu 9. Pravilnika o kontinuiranoj profesionalnoj edukaciji lica iz računovodstvene profesije, izvođenje KPE mogu obavljati svi potencijalni izvođači edukacije koji se prethodno obrate Upravnom odboru Saveza sa prijedlogom tema koje će se izvoditi putem pojedinog organiziranog oblika edukacije (seminari, radionice, simpoziji i sl.), te koje Upravni odbor Saveza prethodno odobri kao Program KPE.

Svi odobreni vidovi KPE imaju se obavljati uz korištenje imena Saveza i uz odgovarajuću naknadu Savezu, čiju visinu određuje Upravni odbor Saveza.

Sukladno navedenom, pozivamo sva pravna lica, koja žele biti izvođači KPE, da se pravovremeno obrate Upravnom odboru Saveza s prijedlogom oblika i sadržaja obuke i zahtjevom da se ista prizna kao KPE lica iz računovodstvene profesije.

Godišnji prijedlog edukacije i zahtjev za priznavanje iste kao KPE treba sadržavati:

- 1) oblik edukacije (npr. seminar za godišnji obračun, seminari za polugodišnji obračun, ostali seminari i radionice, simpozij, i sl.);
- 2) vrstu edukacije i to:
 - **Specijalistička edukacija** (finansijsko računovodstvo i izvještavanje, upravljačko računovodstvo i kontrola i revizija)
 - **Opća edukacija** (porezi, gospodarsko i drugo pravo, profesionalna etika, finansije, menadžment i organizacija, informacijske tehnologije i druge relevantne oblasti)
- 3) broj bodova edukacije koji će se priznati polaznicima edukacije (sukladno oblicima edukacije iz Pravilnika o kontinuiranoj profesionalnoj edukaciji lica iz računovodstvene profesije);
- 4) dovoljan broj bodova specijalističke edukacije (sukladno članku 6. Pravilnika o KPE);
- 5) opis nastavnih metoda i korištenih učila;
- 6) popis predavača s njihovim kratkim CV i predavačkim referencama.

Kriteriji na osnovu kojih će se predložena nastava odobriti kao dio Programa KPE su:

- 1) aktualnost i sadržaj tema
- 2) reference predavača i pravne osobe/organizatora
- 3) kvaliteta nastavnih metoda i učila

Upravni odbor Saveza zadržava pravo da u Program KPE prizna samo dio predloženih tema i/ili odredi broj bodova koji se priznaju za pojedinu temu.

Ovaj poziv je stalno otvoren do konca 2009. godine.